



www.BibleForChildren.org




Juan 14



A su'hua um cha' tiquee um lyee la, tsa qui'an ti'
um 'in Ndiose, lo' tsa qui'an ti' um 'ñan. La na'an 'in
Stin, qui'an 'a se'en lja. Cha' si'i cuaña'an lca na, nde
cua' s'ni mtsan' 'in um. Una qui'an, lo' cu'nin
chu'huen se'en ntsu'hui cha' tyi'in um.



Quia y'ni chu'huen se'en ntsu'hui cha' tyi'in
um, una yaan xiya', yan 'yan 'in um si'yana
tsatlyu tyi'in na lo'o um.




Nan' yu Xuhua, ta'a ndiya qui'an ti' um, ta'a
ndijin na nu ti'i lo' tsatlyu ndlo ñi tñan 'in
na, cui' Jesucristo ngui'ni ñi cha'

si'yana nda loo na lo'o
nchgaa loo cha', ...




... lo' si'ya cha' 'in Ndiose nu nda'an ycuin',
a cunta si'ya cha' 'in Jesucristo, ntsu'huin
se'en Ica Patmos, se'en su sca yuu


tluhue tyi'a tujo'o.




Cui' xaa ti can' mtsa'an yu'hui Espíritu 'ñan, lo' ncua
chcan' 'ñan ndon sca yca xlya se'en nchca cuiya' cha'
la ni' cuaan, loo yca xlya can' nducua sca nu nducua.




A cunta ngune 'ñan ycui' nchgaa nu ndi'in la ni' cuaan,
lo'o loo chendyu re, lo'o nde 'ya la 'in chendyu re,
lo'o tyi'a tujo'o, tsatlyu lo'o
nchgaa na nu mtñan Ndiose,
lo' nchcui' can': ...




... Scati ñi nu nducua can' lo'o ñi nu lca Slya', ntsu'hui
suun 'in ñi caja nu cula lo'o 'in ñi, scuen cuaan 'in
ñi, cu'ni tnu 'in ñi, lo' scati ñi
tlyu la cha' cuiya' ntsu'hui
'in ñi tsala xaa.




Nan' yu Xuhua, na'an nguiaan quichen nu mdo'o hui
'in Ndiose, cui' Jerusalén nu cui ti, nu mdo'o se'en
nducua Ndiose la ni' cuaan, cua' lca ncua tsu'hue na
tsaña'an nchca ti' sca xen nu cua' caja cuilyi'o.
Ngune 'ñan jui nu ycui' cueen la ni' cuaan: Na'an
jan ñi, nde nu
lca na'an 'in
Ndiose —se'en
tyi'in ñi lo'o jun
tsatlyu, nu ca
quichen 'in ñi, cui'
Ndiose tyi'in lo'o
jun lo' ca ñi Ndiose
'in jun—.




Xacan' ngulo'o angujle 'ñan se'en su sca chco tlyu nu
luhui, tyi'a can' ndaa na chendyu 'in nten, nducui xaa
na tsaña'an nchca ti' sca cunan, lo' tyi'a can' nducua
na se'en nducua Ndiose lo'o ñi nu lca Slya'.



Quichen can' a 'ni cha' 'in na lo'o xaa 'in cucha uta
xaa 'in coo', si'yana ycui' ca Ndiose lca ñi xaa 'in na
lo'o ñi nu lca Slya'.



Cui' cuaña'an nchgaa quichen tnu ntsu'hui cha' tsa
lo'o ne' cha' tsu'hue 'in ne', lo' tyaa ne' cunta cha'
cuilyiya' 'in ne' 'in ñi, una ñi
sca coo' a sten quichen
can', cui' cuaña'an lo'o
nu ngui'ni scasca cha'
ngunan' uta nhcui'
cha' cuiñi, cui' ca nu
tsaloo ti sten nu cua'
nducua nii loo quityi
'in ñi nu lca Slya',
cui' nu cua' jui
chendyu 'in.




Xityi ñi tyi'a quiloo jun, lo' a
ña'an 'a jun cha' ndyija, ñi a
ntsu'hui 'a cha' ti' qui'ya
tu'hua tiquee jun uta cunan
jun, ta tyijyin jun nu ti'i,
si'yana cua' mdijin nchgaa
cha' nu ncua ti' culoo.




Ñi xiya' lo' a caan 'a yuhue' chon' nten ndi'in quichen
can', si'yana Ndiose lo'o ñi nu lca Slya' ntsu'hui cha'
culo ñi tñan se'en can', lo' jun nu lca nguso 'in ñi
tucua tloo ñi 'in, xacan' ña'an tloo ca jun 'in ñi, lo'
ntsu'hui cha' cha'an
nii ñi tuchcan jun.



Xacan' na'an nchgaa nu cua' ngujui, nu cula lo'o nu
suhue ti, ndon can' tloo Ndiose, lo' m'ni ñi cha' nguila
nchgaa quityi nscua tloo ñi, a cunta nguila xca quityi
se'en nducua nii nten nu cua' jui chendyu 'in. Lo' nu
ngujui can' ncua cuiya' cha' 'in cua'
ña'aan tñan m'ni tsaña'an cha' nu
nducua loo quityi can'. Tsalca nu
a nscua nii loo
quityi se'en
nducua nii nu cua'
jui chendyu 'in,
jui nu nguun 'in
loo tiyo' quii'.



Ndeña'an nchcui' Espíritu lo'o Cuilyi'o ñi nu lca Slya':
Cuan lya um. Cui' cuaña'an chcui' nu quine 'in cha' re:
Cuan lya um. Cha' ntsu'hui nu nguityi ti' tca caan,
lo' nu nchca ti' co'o tyi'a nu taa chendyu 'in
tsala xaa, tca co'o 'in na xu'hue ti.



Tsala ña'an tlyu cha' tsu'hue 'in
Ndiose, nu hasta mdaa ñi scati Sñe'
ñi 'in nten chendyu, si'yana nchgaa
nu tsa qui'an ti' 'in ñi a quinan'
cusya 'in, cui' ca nu caja
chendyu nu a tsatii
'a 'in.



Romanos 3:23 si' yana nchgaa na m'ni na qui'ya,
mducua tijyo' na loo xaa 'in Ndiose.

Romanos 6:23 Cha' cu'ni na qui'ya tsatii cha'
'in na loo cha' ndyija, una cha' tsu'hue nu ndaa
Ndiose 'in na lca na chendyu nu a tsatii 'a
si'ya Ñi X'nan na Jesucristo.

Hebreos 9:27 Lo' tsaña'an nguinu scua cha'
'in nchgaa nten, siya' ti ntsu'hui cha' caja
ne', xacan' ca xñan bsya 'in ne',

Efesios 2:8,9 Si'ya cha' tsu'hue 'in Ndiose
mdo'o laa um loo nu ya qui'an ti' um 'in ñi, lo'
si'i cunta 'in um lca cha' can', cui' ca nu
si'ya cha' tsu'hue 'in Ndiose ti,



lo' si'i si'ya tñan tsu'hue nu cua'
m'ni um, si'yana a tucui nu cu'ni siye'.

Romanos 10:9,10 Cha' chcui' um si'yana Jesús
Ica Ñi X'nan na, lo' cha' lo'o cusya 'in um tsa
qui'an ti' um si'yana Ndiose m'ni ñi cha'
mdyiqui'o can', xacan' tyi'o laa um.

Lo'o cusya 'in na ndiya qui'an ti' na, lo' quinu
luhui na tloo Ndiose, cui' cuaña'an lo'o tu'hua
na nchcui' na cha' re, lo' tyi'o laa na.

Juan 3:16,17 Tsala ña'an tlyu cha' tsu'hue 'in
Ndiose, nu hasta mdaa ñi scati Sñe' ñi 'in nten
chendyu, si'yana nchgaa nu tsa qui'an ti' 'in ñi a
quinan' cusya 'in, cui' ca nu caja chendyu
nu a tsatii 'a 'in.



Si'yana a ngua'an tñan Ndiose 'in Sñe' ñi loo
chendyu re, ta si'yana so' tucua ñi qui'ya chon'
nten, cui' ca nu yaan ñi si'yana culo laa ñi 'in ne'.

1 Juan 5:11-13 Nde suun nu ntsu'hui cha' tsa
qui'an ti' na: Ndiose ndaa ñi chendyu nu a tsatii
'a 'in na, lo' chendyu can' nda'an lo'o Sñe' ñi.
Nu cua' ncuan xu'hue 'in Sñe' Ndiose, cua' jui
chendyu nu a tsatii 'a 'in, lo' nu a nchca cuan
xu'hue 'in Sñe' Ndiose, a ntsu'hui chendyu 'in
can'. Nde cha' nda'an quityi re 'in um, 'un nu
ndiya qui'an ti' 'in Sñe' Ndiose, si'yana ca
cuiya' ti' um cua' jui chendyu nu a tsatii 'a
'in um, lo' tsa quiñan la um tsa qui'an
ti' um 'in Sñe' Ndiose.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Chatino, Nopala Bible (cya) © 2013, David Neil Nellis

<https://live.bible.is/bible/CYAAVV/MAT/1>

©2026 Bible for Children, Inc.

www.M1914.org

www.bibleforchildren.org

